



Communicaziun a las medias

Televisiun Rumantscha cun duas novas fatschas

Cuiria, ils 17-08-2017 – **L'emissiun d'infurmaziun «Telesguard» e l'emissiun d'infurmaziun per uffants «Minisguard» da Radiotelevision Svizra Rumantscha (RTR) survegnan duas novas fatschas. Corina Schmed ed Ivo Orlik èn ils dus novs moderaturs che cumpletteschan il team a partir da la fin avust 2017.**

Corina Schmed, 35, creschida si a Trun/Campliun, è ina da las vuschs da novitads al Radio Rumantsch. Ella lavura dapi il 2012 en il newsdesk da RTR. A partir dals 23 d'avust moderescha ella il «Telesguard» e cumplettescha uschia il team cun Annina Campell, Isabella Wieland e Livio Foffa. Corina Schmed resta dentant er vinavant ina da las vuschs da las novitads dal Radio Rumantsch.

Ivo Orlik, 24, creschì si a Rabiun, accumpogna dapi il 2015 audituras ed auditurs tras il program dal Radio Rumantsch. Ussa fa el il pass davant la camera. Ils 26 d'avust ha el la premiera sco moderatur da l'emissiun «Minisguard» e vegn a moderar quella regularmain. Dentant era Ivo Orlik resta fidaivel al microfon e cuntinuescha ad accumpagnar audituras ed auditurs dal Radio Rumantsch. Sper sia lavur tar RTR è Ivo Orlik enconuscent al public pli giuven sco rappunz «Giganto».

«TELESGUARD»

La survista dals eveniments impurtants dal di porscha l'emissiun «Telesguard». Ella rapporta di per di da temas actuals ed eveniments communal, regional e chantunal da la politica, economia, cultura, sport e societad. «Telesguard» fa quai da moda cumplessiva cun contribuziuns e blocs da novitads, cun reportaschas live da lieus d'acziun ed intervistas live. Glindesdi – venderdi a las 17:40 sin SRF 1.

«MINISGUARD»

«Minisguard» è l'emissiun per las aspectaturas ed ils aspectaturs giuven. L'emissiun d'infurmaziun per uffants tematisescha novitads regionalas, nazionalas ed internaziunalas e rapporta a moda evidenta, chapibla e divertenta dal mund da la politica, economia, cultura e societad. Ils uffants emprendan uschia a moda nuncumplitgada da chapir meglier las novitads ed ils fatgs da la vischinanza e da l'entir mund. Sonda a las 17:40 sin SRF 1.

Dapli infurmaziuns

Radiotelevision Svizra Rumantscha, Via da Masans 2, 7000 Cuiria
Gian Ramming, gian.ramming@rtr.ch, 081 255 75 75